



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 10. Vtrum Christus meruerit Angelis gratiam, & gloriam.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

36
*Nominis
celebrita-
zem.*

Dico Secundò, Christus etiam meruit ^{abli-}
mitatem & celebritatem suu nominis, & omnia
externam gloriam apud vniuersam creaturam ra-
tionaliem. Pater ad Philip. 2. v. 9. Propter quod &
Deus exaltauit illum, & donauit illi nomen quod est super
omne nomen, ut in nomine IESV omne genu fleatum
caelestium, terrestrium, & infernorum. Apoc. 5. v. 12.
Dignus est Agnus qui occisus est, accipere virtutem, & di-
uinatatem (id est, ut ab omnibus agnoscatur & co-
latur tamquam Deus) & sapientiam, & fortitudinem
& honorem, & gloriam. Ioan. 17. v. 1. Pater venit hora,
clarifica Filium tuum. Et infra v. 5. Et nunc clarifica
me tu Pater apud temetipsum, claritate quam habui prius
quam mundus esset apud te, id est, ut etiam in huma-
nitate agnoscar & colar Deus. Ratio est; Quia
Christi meritum dignissimum est tali premo; &
reliquæ meriti conditiones adsunt. Optima quo-
que est proportio inter tantam eius humilitatem,
& tantam exaltationem.

Hinc probabiliter colligunt quidam Doctores,
Christum meruisse etiam omnia ea, quibus eius
dignitas hominibus est patefacta, dum adhuc esset
in vita mortali: vt testimonium Angelorum in
nocte Nativitatis, & in die Resurrectionis: Te-
stimonium Stelle & Magorum: Testimonium
Patris in Iordane, & in moto: Prodigia in morte,
& similia. Etsi enim haec fierent ad hominum fi-
dem confirmandam, tamen etiam pertinebant ad
gloriam Christi; & sub vtrâque ratione, poterant
sub eius meritum cadere.

Secundò colligitur, Christum meruisse regiam
dignitatē in vniuersum orbem. Patet Psal. 2. v. 8.
Postula a me & dabo tibi Gentes hereditatem tuam. Et
v. 6. Ego autem constitutus sum Rex ab eo super Eion
montem sanctum eius. Isaiae 53. v. 12. Peccata eorum
ipse porrasi: ideo dissipari ei plurimos, & fortium
dividit spolia. Matth. 28. v. 18. Data est mihi omnis
potestas in celo & in terra. Similiter meruit dignita-
tem Capitis, nam eadem est ratio. Aduerte tamē,
illum non meruisse, primum illum titulum Regis
aut Capitis; nam hunc habuit ante omne meritum
ex sola Dei ordinatione. Sicut etiam non meruit
vt esset mediator teste D. Augustino de Predestina-
tione Sanctorum c. 15. Vnde cum Pilatus di-
xisset: Ergo Rex es tu? Respondit: Ego in hoc natus
sum, & in hoc veni in mundum, vt testimonium perbi-
beam veritati: scilicet regni mei. Meruit tamen do-
minij exercitium, & externa declaratione huius
dignitatis: quod satis indicant Scripturae citatae.
Præterea meruit potestatem iudiciarum, vt do-
cet D. Thomas infra qu. 59. art. 3.

Ad Argumenta Caluini. Ad Primum, neganda
est sequela. Christus enim solùm propter noltram
inopiam venit, non propter suam: tamen postquā
venit accepta serui formā, potuit etiā sibi mereri.
Ad Secundum, Negatur illam demonstrationem
charitatis frigere: quia propter nos carnem pas-
sibilem accepit, & mortem passus est; quod alio-
qui non fecisset: non enim propter gloriam cor-
poris sui necesse erat pati, cum haec illi ante omne
meritum deberetur. Posito tamen quod propter
nos carnem passibilem accepit, nihil vetat, quin
etiam sibi gloriam carnis sua meruerit; quia me-
ritum eius ad hoc dignissimum est, & nobis ideo
nihil detrahitur. Ad Tertium, Si Christus me-
ruit totius mundi expiationem, quod sine dubio
maiis est; quomodo non potuit mereri vt esset
totius mundi Iudex?

37
*Soluuntur
Argumenta
Caluini.*

DVBIUM X.

Vtrum Christus meruerit Angelis
Gratiam & Gloriam?

O Rigenes hom. 1. in Leuit. & hom. 24. in Nu-
meros, censet Christum redemisse Angelos, ^{Origines}
& esse mortuum pro illis. Quam sententiam vide-
tur approbare D. Hieronymus in cap. 1. & 4. ad ^{purior}
Ephefios: sed more suo solū refert sententias ^{redemisse}
aliorum, nec probando nec improbando. Hęc
sententia si intelligatur de Angelis malis, est ha-
retica: supponit enim peccatum demonum non esse
eternam. Si de bonis; est omnino falsa & teme-
raria, vt statim dicam.

Alij dicunt Christum quidem non redemisse
Angelos, cùm numquam captiuū fuerint; tamen
propter eius merita præuisa, datā illis esse gratiā,
& consequenter gloriam. Ita plerique Doctores
suprà citati q. 1. a. 3. n. 38. qui docent Christum
incarnandum etiamsi Adam non peccasset; quam-
quam non omnes.

Resp. & Dico Primò: Christus non redemit
Angelos, nec mortuus est pro illis. Est omnino ^{Angeli} _{non sunt}
certa. Probatur ex illis Scripturę locis, vbi dicitur ^{redempti,}
Christus propter peccatores venisse; vt Acto. 4.
1. Tim. 4. Ad Gal. 3. 1. Pet. 1. Deinde Apostolus 2.
ad Cor. 5. v. 14. ait: si Christus pro omnibus mortuus
est, ergo omnes mortui sunt: atqui Angeli nō possunt
dici mortui, nec eo sensu quo ibi Apostolus, sci-
licet secundum vitā peccati, nec alio. Ad Heb. 2.
v. 16. Nusquam Angelos apprehendit Deus, sed semen
Abraha: id est, Scriptura nusquam dicit Christum
Angelos labantes reduxisse; vt exponit Chrysost. Vide D. Aug. c. 61. 62. 63. Enchiridij. Et Greg.
lib. 28. moral. c. 14. in illud. Iob. 3. v. 7. Cum me
laudarent astra matutina. Et ratio est, Quia boni
non egebant redemptione, nec satisfactione, cùm
non peccarent: malis autem non profuisset; quia
statim æternis penitentia sunt deputati.

Dico Secundò, Etsi nō sit improbabile Angelis
gratiam & gloriam esse datam ex Christi meritis; ^{Nec Gratia}
probabilius tamen & verius videtur contrarium. ^{nec Gloria}
Probatur Primò, Nam plures hoc tenent, & ^{ex Christi}
quidem grauiores Doctores. D. Thomas in 3. d.
13. q. 2. a. 2. quæstiunc. 1. D. Bonauen. cādem dist.
a. 2. q. 3. Durandus, Paludanus, Maior, Gabriel, &
alii eadē dist. Driedo De captiuitate & redempt.
tract. 4. c. 2. pag. 8.

Secundò, Probatur omnibus illis locis in qui-
bus Scripturę & Patres docent Christum tantum
propter nos venisse. Vide dicta suprà qu. 1. art. 3.
Mirum sāne esset, rem tantam, qua tantoper ad
Christi dignitatem pertinet, à Scripturis & Patri-
bus esse tacitam. Quod argumentū, etsi sit ab au-
toritate negatiū, est valde efficax; Idē Confir-
matur ex illo ad Heb. 2. v. 11. Qui sanctificat, & qui ^{Scriptura}
sanctificantur, ex vno omnes; propter quam causam non
confundit fratres eos vocare. Hic Apostolus fusè do-
cer Christum debuisse esse naturę & conditionis
passibilis, cō quod sanctificandi per illum, essent
talis naturę: Sacerdos enim debet eis similis esse,
pro quibus Sacerdotio fungitur. Vbi satis indicat
Angelos per Christum non esse sanctificatos, qui
non descendunt, ex eodem parente. Vnde infra
v. 16. sic argumentatur: Nusquam Angelos appre-
hendit, scil. ne perirent, sed semen Abraha appre-
hendit ergo debuit per omnia fratribus assimilari.

Tertię

Prima
Ratio.

Tertio Probatur; Ratione Primo, Quia etiam Christus non venisset, Angelis tamen fuisset data gratia ergo non habuerunt eam ex Christi meritis. Antecedens pater, Quia sicut natura illorum fuit praordinata sine dependentia a Christi merito; ita in eodem signo fuit praordinata illorum gratia: quia Deus non praordinavit Angelicam naturam nisi perfecto modo, scilicet ut esset particeps diuinæ nature per dona supernaturalia & beatitudinem.

Seconda
Ratio.

Secundo, Si Angeli habuissent gratiam ex Christi meritis, non debuissent accipere gloriam ante Christum; vt pater in Patribus veteris Testamenti. Confirmatur; Tum, quia non decebat, vt illi, qui per Filium erant adoptati, hereditatem cœlestem adirent ante Filium: tum, quia illis data fuisset gratia modo imperfecto, scilicet dependenter a meritis futuris. Ergo non debebant accipere confirmationem ante solutionem prestatam.

Tertia
Ratio.

Tertio, Adam non habuit gratiam, qua pri-
mo sanctificatus est, ex Christi merito: ergo nec Angeli. Antecedens Probat, Quia alioquin Christus debuisset illi reuelari a principio cum primum fuit formatus: non enim credibile est sine explicita fide Incarnationis esse iustificatum, si ex Christi merito gratiam accipere debuit. Atque Patres tantummodo insinuant hoc mysterium illi in ecclasi reuelatum, quando de latere eius formata est Eua: nec vlla ex ipsis capi potest conieatura hanc reuelationem antea factam; quin potius non obscurè insinuant tunc primum factam. Vide D. Augustinum lib. 9. de Genesi cap. vlt. Et Leonem epist. 23.

Quarta
Ratio.

Quarto, Rectitudo status innocentiae pertinet ad opus creationis, vt insinuat Scriptura, cum ait; Hominem creatum esse rectum, & Creatum ad imaginem & similitudinem Dei. Vnde & Patres vocant illam, naturalem rectitudinem, naturalem dignitatem, naturale bonum: Leo serm. 1. de Ieiunio, & serm. 13. de Passione. August. de Spiritu & littera cap. 27. Atque totum opus creationis prima, est ex sola Dei bonitate, non ex merito aliquius. Confirmatur; Quia D. Aug. lib. De corrept. & gratia, c. 10. 11. & 12. aperte insinuat gratiam Angelis & homini in statu innocentiae data non fuisse ex Christi merito; nam distinguit hanc ab illa, dicitque acceptam esse ex bonitate conditoris: eam autem quæ data est ex Christi merito, longè esse alterius conditionis.

Quinta
Ratio.

Quinto, Si Angeli habent gratiam ex meritis Christi: ergo saltem empti sunt pretio meritorum, quamvis non redempti; redemptio enim captiuitatem supponit. Item ergo pro Angelis sacrificium suum obtulit; in hoc enim eius meritum maxime confitit: alioquin quod opus pro illis fecit? Itaque & ipsi dealbati sunt in sanguine Agni. Quæ omnia parum sunt consentanea modo loquendi Scripturæ & Patrum.

Apocal. 7.
v. 4.

Contra. Objetetur Primò: Ioan. 14. vers. 6. Ego sum via, veritas, & vita: Nemo venit ad Patrem nisi per me: illud, Nemo, est generale ad homines & Angelos.

Respondeo; Nihil cogit extendere ad Angelos: accipi enim debet secundum subiectam materiam de hominibus, qui procul sunt a Patre: sicut illud Ioan. 6. v. 44. Nemo potest venire ad me, nisi Pater qui misit me, traxerit eum: ubi de solis hominibus est sermo; sequitur enim: Et ego resu-

tabo eum in nonissimo die. Similiter Ioan. 17. v. 3. Hac est vita eterna, vt cognoscant te solum Deum regnum, & quem misisti Iesum Christum: aperte de hominibus loquitur, vt pater ex precedentibus: & sensus est; Ratio, Quia homines debent pertinere ad vitam eternam, est per fidem Dei & Messie.

Objetetur Secundò, Ex Gregorio in cap. 2. lib. 1. Regum; Nullus hominum neque Angelorum ^{Gregorius} _{explicat} status est nisi per Christum. Respondeo; Gregorius tur. non habet hec verba; sed solum dicit, Neminem esse sanctum nec hominem nec Angelum ab illo que dono Vnigeniti. Probat autem Angelos esse sanctificatos ab vnigenito, non quod meritis eius, sed quia virtute & omnipotentiâ eius sanctificati sunt; iuxta illud Psalmi, Verbo Domini cœli firmati sunt.

Objetetur Tertiò ex eodem Gregorio ibidem: Quia, inquit, Vnigenitus Dei, Deus est, extra eum non est alius; (id est, nemo habet statum iustitiae) quia nemo Electorum nisi in ipso est. Quod sic referatur ad diuinitatem eius, vt nequagum intellectum humanitatis eius evacuet; quia iustus esse non potest, qui fidem non habet Incarnationis. Respondeo, Loquitur solum de hominibus, quorum propriè est iustificari & accipere statum iustitiae per Christi fidem; nemo enim habet statum iustitiae nisi in ipso per fidem maneat: vbi illa dictio, Nisi, non excludit, inquit, humanitatem assumptam: Nam, vt Scriptura docet, Nemo potest esse iustus nisi per fidem diuina Incarnationis: scilicet post hoc mysterium exhibut. Supradicta ostenderat Gregorius quomodo Angeli fuerint iustificati per Vnigenitum.

Objetetur Quartò, Ex eodem Gregorio hom. 14. in Ezechiel. Vnigenitus Patris, qui sursum est firmitas Angelorum, inferius factus est hominum redemptio. Respondeo, Aperte indicat Filium per diuinam naturam esse firmitatem Angelorum. Patet ex verbo, sursum: & quia, vt statim subdit, est illa fortitudo ne cadant. Quid autem Gregorius sentiat, patet ex lib. 4. in lib. primum Reg. c. 1. Nisi, inquit, Adam peccasset, Redemptorem nostrum carnem nostram suscipere non oporteret. Non enim venit vocare infios, sed peccatores ad penitentiam, si ergo peccata deessent, eum venire non oporteret.

Objetetur Quintò & ultimò, Ex D. Thomae Commentario in Ioannem, in illud: De plenitude eius omnes accepimus: scilicet omnes Apostoli, & Patriarchæ, & Prophetæ, & iusti qui fuerint, sunt, & erunt, & etiam omnes Angeli. Respondeo; Solutio sequitur in D. Thoma: Loquitur enim de Christo secundum diuinitatem: nam præpositio De, isto loco significat causam originalem & effectuam per auctoritatem vt ipse ait: & probat ex Ecclasiastici cap. 24. vers. 26. Transte ad me omnes qui concupisces me, & a generationibus meis (quæ scilicet de me procedunt) adimplimini. Vbi manifestè agitur de Sapientia diuina.

D V B I V M XI.

*Virum Christus nobis mernerit fidem,
& reliquias dispositiones ad
gratiam?*

Sunt duas sententiae. Prior est, Fidem & alias ⁴¹ dispositiones remotas, Timorem, Attritio- _{Quidam} nem, Spem, non dari nobis ex Christi meritis, negantur, sed dumtaxat ex diuina misericordia. Ita Driedo

L 1 iij lib. de